

Posušje, 15.07.2008. godine
Broj: 269/08

ZAKLJUČCI
SA SJEDNICE PREDSJEDNIŠTVA
SAVEZA OPĆINA I GRADOVA F BiH

U Posušju je dana 15.07.2007. godine održana Deseta sjednica Predsjedništva Saveza općina i gradova Federacije Bosne i Hercegovine (u daljem tekstu: Savez).

Sjednici Predsjedništva Saveza prisustvovalo je 11 članova, i to:

1. **g-din Ljubo Bešlić**, Gradonačelnik, Grad Mostar,
2. **g-din Ante Bošnjak**, Načelnik, Općina Posušje,
3. **g-din Hasan Ajkunić**, Načelnik, Općina Bugojno,
4. **g-din Jasmin Emrić**, Načelnik, Općina Bužim,
5. **g-din Mustafa Kurtović**, Načelnik, Općina Goražde,
6. **g-din Rasim Omerović**, Načelnik, Općina Kalesija,
7. **g-din Emir Bubalo**, Načelnik, Općina Konjic,
8. **g-din Zdravko Prka**, Načelnik, Općina Tomislavgrad,
9. **g-din Vlado Alilović**, Načelnik, Općina Vitez,
10. **gđa Dragana Solaković**, Stručni suradnik za lokalnu samoupravu, Grad Sarajevo (po ovlaštenju), i
11. **g-din Hajrudin Katardžić**, Sekretar organa državne službe, Općina Zavidovići (po ovlaštenju)

Pored gore navedenih, sjednici su prisustvovali i: **g-din Ferhat Mustafić**, Načelnik, Općina Gradačac i Predsjedavajući skupštine Saveza općina i gradova F BiH, **g-din Ivan Krstanović**, Tajnik, Općina Tomislavgrad, **g-din Predrag Šupljeglav**, Pomoćnik Gradonačelnika, Grad Mostar, **g-din Vehid Šehić**, predsjednik, Forum građana Tuzle, **gđa Denisa Sarajlić-Maglić**, direktor političke komponente, GAP, **g-din Mersad Beglerbegović**, GAP, **gđa Slavica Drašković**, direktor za razvoj programa, Trening i konsalting organizacija «IZBOR PLUS», **gđa Vesna Travljanin**, Sekretar Saveza, **gđa Zlata Turkić**, saradnik za rad sa skupštinskim komisijama i institucijama vlasti, **gđa Elvira Imširović-Bolić**, viši suradnik za pravna pitanja, **g-din Edin Demirović**, stručni suradnik za lokalnu samoupravu i **g-đica Šejla Hasić**, viši suradnik za projekte.

Predsjednik Predsjedništva, g-din Ljubo Bešlić, otvara Desetu sjednicu Predsjedništva, pozdravlja prisutne i zahvaljuje se načelniku Općine Posušje kao domaćinu na gostoprimstvu. Konstatuje da je na sjednici prisutan dovoljan broj članova Predsjedništva za punovažno donošenje odluka, te stavlja Dnevni red na usvajanje.

Dnevni red je jednoglasno usvojen.

1. Zapisnik i zaključci sa Devete sjednice Predsjedništva Skupštine Saveza općina i gradova Federacije BiH
Zapisnik i zaključci su jednoglasno usvojeni.
2. Prijedlog zakona o zaposlenicima u jedinicama lokalne samouprave
Izvjestilac: Predrag Šupljeglav, zamjenik predsjednika Radne grupe

G-din Šupljeglav izvještava Predsjedništvo da je Radna grupa dobila primjedbe i sugestije iz općina te je uvažavajući iste napravila novi materijal. Međutim, još uvijek postoji dilema procesa žalbe. Radna grupa smatra da žalbeni postupak treba da ostane na nivou jedinica lokalne samouprave, te da se zadrži Odbor za žalbe i uvede Apelaciono vijeće.

Prijedlog zakona je dostavljen i predstavnicima OSCEa, OHRa i Vijeću Evrope. OSCE je podržao ovaj zakon. OSCE je sugerisao da se formira Odbor za žalbe na nivou općine koji bi bio drugostepeni organ. Prijedlog Radne grupe je da Predsjedništvo još uvijek ne odluči o ovome dok Radna grupa ne dobije informaciju od OHRa. Tada bi se zakon mogao proslijediti Federalnom ministarstvu pravde.

G-din Bešlić izvještava Predsjedništvo da je održan sastanak sa OSCEom gdje su predstavnici OSCEa i podržali Prijedlog zakona. Smatra da treba sačekati odgovor i od OHRa a potom razmotriti moguće postupke prije nego što se prosljedi Federalnom ministarstvu pravde.

G-din Bubalo konstatuje da u članu 6. nije spomenuta unutarnja kontrola.

G-din Šupljeglav naglašava da je interna revizija obaveza svih organa na osnovu provođenja interne kontrole kroz Zakon o budžetu.

G-din Bešlić se slaže da je potrebna interna kontrola.

G-din Mustafić također konstatuje da je interna kontrola obaveza svake lokalne zajednice i podržava ovaj prijedlog. Također, naglašava da se članovi 11. i 12. moraju malo detaljnije razraditi.

G-din Katardžić naglašava da postoji Interna kontrola za budžetsku potrošnju. Također, Pravilnik o internoj kontroli određuje kako će to funkcionisati. Svaka općina mora imati dio o internoj kontroli. Kako će općina zvati to radno mjesto nije bitno. Treba definisati mjesto ali ne i naziv radnog mjesta. Uredba pojedinih radnih naziva u općinama ne poznaje takva radna mjesta. Također, g-din Katardžić smatra da ne bi bilo loše da se u članovima 24. i 34. malo više posveti diskriminaciji. To je radna grupa ostavila Predsjedništvu da se odluči. Ovaj Zakon još treba obrazložiti. Radna grupa se dogovorila da će napisati obrazloženje nakon što dobiju sugestije od OHRa i zeleno svjetlo od strane Predsjedništva. Također, članom 94. je izjednačen status namještenika i državnog službenika. Sva prava i obaveze svih uposlenika su izjednačena. Ovaj Zakon treba podržati u ovoj verziji sa svim stavovima i zaključcima.

Gđa Travljanin izvještava da je Vijeće Evrope upoznato sa ovim Zakonom i da bi bilo dobro i od njih dobiti podršku, a od septembra da agresivnije idemo prema vladi i parlamentu.

G-din Bešlić smatra da se radna grupa treba još jednom sastati i napisati obrazloženje. Treba izraziti nepravdu trenutnog Zakona i nezadovoljstvo jedinica lokalne samouprave. ADS će se uključiti i opstruirati usvajanje ovog Zakona.

G-din Šupljeglav izvještava da je g-din Keleštura preuzeo obavezu pisanja obrazloženja, te da će se radna grupa sastati da zajednički završi ovu obavezu.

Prijedlog da se na sadašnjoj sjednici ne odlučuje je jednoglasno usvojen kao i buduće aktivnosti Radne grupe.

3. Prijedlog zakona o izmjenama i dopunama Zakona o organizaciji organa uprave u Federaciji Bosne i Hercegovine
Izvjestilac: Predrag Šupljeglav, Načelnik odjela za organizaciju, pravne poslove i opću upravu, Grad Mostar

G-din Šupljeglav izvještava Predsjedništvo da su prikupljeni komenatri i sugestije sa javne rasprave. Predlaže da kao i u predhodnoj tački Predsjedništvo ne donosi odluku sada nego da se čeka da ovaj zakon ide u paketu sa zakonom iz tačke 2. kada budu spremni.

G-din Bešlić smatra da neće biti kasno i da se Predsjedništvo izjasni na slijedećoj sjednici.

Prijedlog je jednoglasno usvojen.

4. Nacrt Zakona o izmjenama i dopunama Zakona o porezu na promet nekretnina Hercegovačko-neretvanskog kantona – izjašnjenje Saveza

G-din Bešlić izvještava Predsjedništvo da je Hercegovačko-neretvanski kanton napravio prijedlog izmjene stope na promet nekretnina te je želio da se na ovo izjasni i Predsjedništvo.

G-din Bubalo smatra da se ništa posebno neće postići. Smatra da nisu ovlašteni za izmjene kantonalnog zakona.

G-din Bešlić smatra da ako se napravi izmjena u Zakonu HNK kantona da će se to prenijeti i na druge kantone.

G-din Bubalo smatra da je ovo prilika za zloupotrebu te da se iz tog razloga prijedlog treba odbiti.

G-din Prka općenito smatra da treba poticati mlade osobe da riješe svoje probleme ali da ovaj način nije dobar jer će biti zloupotrebljivan. Smatra da ovo nije izlaz i da će otići u pogrešnom smjeru. Postavlja pitanje da li je cilj da se aktuelna vlast dodvori glasačima ili je cilj zaista pomoći mladim ljudima.

Jednoglasno je usvojen stav da se ne daje podrška izmjeni Zakona. Predsjedništvo sugeriše svim općinama da se ne podrži ovakva izmjena, te da se održi tematska sjednica kako bi se iznašao prikladan zajednički model.

5. Informacije sa posljednje sjednice Predstavničkog/Zastupničkog doma Parlamenta Federacije BiH održane 27. i 28.05.2008. godine i sjednice Doma naroda Parlamenta Federacije BiH održane 03.07.2008. godine:

- a) Prijedlog zakona o izmjenama i dopunama Zakona o principima/načelima lokalne samouprave u Federaciji Bosne i Hercegovine

Izjavitelj: Elvira Imširović-Bolić, viši saradnik za pravna pitanja

Gđa Imširović-Bolić podsjeća Predsjedništvo da je na sjednici održanoj na Ilidži Predsjedništvo odbilo da da podršku Prijedlogu zakona o izmjenama i dopunama Zakona o principima lokalne samouprave, te da je na sjednici Predstavničkog doma parlamenta F BiH 27.06.2008. godine Prijedlog spomenutog zakona i odbijen.

Informacija je jednoglasno usvojena.

- b) Prijedlog zakona o premjeru/izmjeri i katastru nekretnina

Izjavitelj: Elvira Imširović-Bolić, viši saradnik za pravna pitanja

Gđa Imširović-Bolić izvještava da je Federalna uprava za geodetske i imovinsko-pravne poslove predložila Prijedlog zakona o premjeru i katastru nekretnina. Predsjedništvo nije dalo podršku ovom Prijedlogu zakona jer se nisu ispoštovali zaključci koje je Savez usvojio zajedno sa Federalnom upravom. Prijedlog je bio na dnevnom redu 28. sjednice Predstavničkog doma. Svi poslanici su se složili da se trebaju uvažiti stavovi Saveza. Ovaj tekst je šesti put sa istim tekstom bio Dnevnom redu sjednice. Usvojen je Zaključak da se radi na dopuni Zakona iz 1984. godine, Zakona o zemljišnoj knjizi i Zakona o stvarnim pravima. Isti zakon je na sjednici Doma naroda skinut sa Dnevnog reda.

Informacija je jednoglasno usvojena.

6. Izvještaji:

- a) Radionice na temu: «Implementacija Zakona o dugu, zaduživanju i garancijama u Federaciji Bosne i Hercegovine»

Izjavitelj: Elvira Imširović-Bolić, viši saradnik za pravna pitanja

Gđa Imširović-Bolić izvještava članove Predsjedništva o održanim radionicama na temu Zakon o dugu, zaduživanju i garancijama u F BiH. Radionice su organizovane u saradnji sa Federalnim ministarstvom finansija. Radionicama je prisustvovalo ukupno 68 predstavnika općina gdje su pojašnjene procedure. Gđa Imširović-Bolić želi da naglasi da je pomoćnik Ministra Tihomir Ćurak istakao tokom jedne od radionica da je Općina Posušje dobila kredit, te da se njihov primjer može koristiti od strane drugih općina kao dobra praksa. Ministarstvo je kreiralo radnu grupu sa Savezom kako bi radili na mogućim izmjenama i dopunama zakona. Druga važna informacija je da je potrebno organizovati slične radionice o Zakonu o trezoru i trezorskom poslovanju. U općinama ima dosta nejasnoća oko implementacije ovog zakona. Lokalni nivo nije imao edukacije na ovu temu.

G-din Bešlić smatra da se o ovom pitanju može raspravljati i na slijedećoj sjednici ako ima vremena. Također konstatuje da postoje dva programa i da je po njegovom mišljenju GAPov pristup jeftiniji za općine.

G-din Bubalo smatra da općine nisu spremne za implementaciju ovog zakona te da isti kreira dodatnu obavezu i postavlja ograničenja. Općine ne znaju kojim će se tempom puniti budžeti a to predstavlja problem, jer će se morati konstantno vršiti rebalansi.

G-din Prka se slaže da općine nisu zrele za trezorsko poslovanje a da GAPove općine već imaju šeme poslovanja.

G-din Kurtović konstatuje da je njegova općina već uvela trezorsko poslovanje.

G-din Bešlić konstatuje da je to zakonska obaveza svake općine.

G-din Kurtović se slaže i smatra da to treba provesti u svim općinama.

G-din Bešlić smatra da je možda moguće tražiti odgodu implementacije te da se kreira tim ljudi koji bi napravio analizu potreba općina za implementaciju ovog zakona.

G-din Bubalo smatra da će ovaj zakon dovesti do blokade rada u manjim općinama.

G-din Emrić također smatra da općine nisu spremne za implementaciju ovog zakona mada njegova općina u neku ruku već implementira trezorsko poslovanje. Konstatuje da se implementacija ovog Zakona ne može izbjeći i da je potrebna obavezna edukacija. G-din Emrić smatra da općine nisu protiv implementacije nego da jednostavno nisu spremne za implementaciju.

G-din Bešlić predlaže da se oformi radna grupa ekonomista iz općina i radna grupa informatičara, te da svaka radna grupa u svojoj struci izvrši potrebne analize i probleme u vezi sa uvođenjem trezorskog poslovanja u jedinicama lokalne samouprave. Za radnu grupu ekonomista predlažu se g-din Emir Bubalo, Općina Konjic, g-din Hakija Osmić, Općina Zavidovići i g-din Blagun Lovrinović, općina Novi Travnik. Za radnu grupu iz reda informatičara predlažu se g-din Suad Forto, Općina Goražde, gđa Ana Blažević, Grad Mostar, i informatičar iz Općine Centar. Ove dvije Radne grupe bi trebale izvršiti analizu do 28.08.2008. godine.

Prijedlog je jednoglasno usvojen.

- b) Realizacija Zaključka Predsjedništva Skupštine Saveza vezanog za kantonalne zakone o raspodjeli javnih prihoda

Izjavitelj: Zlata Turkić, saradnik za rad sa skupštinskim komisijama i institucijama vlasti

Gđa Turkić izvještava članove Predsjedništva da je Savez, shodno zaključku sa Devete sjednice Predsjedništva poslao anketu u sve općine. Do sada Savez je primio odgovore iz 20 općina iz osam kantona. Prema odgovorima može se vidjeti da omjer nije zadovoljavajući. Sve općine koje su odgovorile podržavaju Inicijativu općine Prozor-Rama. Općine su nezadovoljne a važno je naglasiti da u Sarajevskom kantonu i nema takvog zakona.

G-din Bešlić izvještava da je Grad Mostar već pokrenuo slučaj prema Ustavnom sudu i da do petka očekuju odluku Ustavnog suda o ovom zakonu.

Informacija je jednoglasno usvojena.

c) Konferencija na temu: «Razumjeti EU: Javno-privatno partnerstvo»

Izjavitelj: Zlata Turkić, saradnik sa rad sa skupštinskim komisijama i institucijama vlasti

Gđa Turkić izvještava Predsjedništvo o organizovanoj konferenciji sa SNVom, gdje su učesnici imali priliku da vide izvještaj analize JPPa u Federaciji BiH i Bosni i Hercegovini, te da čuju iskustva domaćih i stranih učesnika. Izvještaj i primjeri će biti dostavljeni općinama na CDu i elektronskoj formi.

Informacija je jednoglasno usvojena.

7. Izbor osobe koja će predstavljati Savez općina i gradova Federacije Bosne i Hercegovine u postupku pred Ustavnim sudom Federacije BiH vezano za usvojenu Inicijativu Općine Prozor/Rama

Izjavitelj: Vesna Travljanin, Sekretar Saveza

Gđa Travljanin izvještava Predsjedništvo da je Stručna služba Saveza istražila moguće osobe koje bi bile adekvatne za zastupanje pred Ustavnim sudom. Tri opcije su gđa Mirzeta Duljković, g-din Nikica Gržić i Ahmed Žilić.

G-din Bešlić konstatuje da je dobro imati osobe koje bi u budućnosti mogle zastupati Savez ali da u ovom trenutku to nije potrebno još odrediti jer bi trebalo čekati presudu Ustavnog suda po pitanju Grada Mostara.

G-din Katardžić konstatuje da treba voditi računa ko se pojavljuje kao stranka pred Ustavnim sudom. Ako je to općina, onda će to raditi pravobranioci a u slučaju da je stranka Savez, onda treba naći nekoga ko će zastupati Savez.

G-din Bubalo smatra da sve treba da ide preko Saveza.

Jednoglasno je usvojen prijedlog da se o ovom pitanju Predsjedništvo izjasni na slijedećoj sjednici Predsjedništva.

8. Informacija o realizaciji Budžeta Saveza općina i gradova FBiH za period januar-juni 2008. godine

Izjavitelj: Vesna Travljanin, Sekretar Saveza

Gđa Travljanin izvještava Predsjedništvo o šestomjesečnom izvršenju budžeta Saveza. Konstatuje da sve ide po planiranom budžetu i izražava zadovoljstvo o uplati članarina za prvih šest mjeseci.

Informacija je jednoglasno usvojena.

9. Informacija o:

- a) posjeti delegacije Kongresa lokalnih i regionalnih vlasti Vijeća Evrope u svrhu nadgledanja lokalnih izbora

G-din Edin Demirović u odsustvu g-dina Kupusije izvještava Predsjedništvo da je Savez dobio molbu od strane predstavnika Vijeća Evrope da organizuje sastanke u F BiH a u svrhu monitoringa lokalnih izbora.

G-din Bešlić dodaje da Kongres Vijeća Evrope svaki put šalje delegaciju na monitoring i da je dobra ideja da se Savez uključi.

Prijedlog da Stručna služba Saveza pruži tehničku pomoć u organizovanju sastanaka je jednoglasno usvojen.

- b) aktivnostima vezanim za prenos vlasništva projekta «Beacon Schema» na lokalne vlasti
Izvjestilac: Amir Kupusija, saradnik za odnose sa javnošću

G-din Demirović izvještava Predsjedništvo da se još uvijek radi na prenosu vlasništva projekta «Beacon Scheme». Također, izvještava da je Federalno ministarstvo pravde okvirno prihvatilo obavezu finansiranja budućih aktivnosti oko «Beacon Scheme».

Informacija je jednoglasno usvojena.

- c) aktivnostima na realizaciji projekta «Partnerstvo gradova»
Izvjestilac: Amir Kupusija, saradnik za odnose sa javnošću

G-din Demirović ukratko izvještava Predsjedništvo o budućim aktivnostima i kreaciji web stranice u svrhu povezivanja općina sa općinama iz zemalja Evropske unije.

Informacija je jednoglasno usvojena.

- c) aktivnostima na izradi Zakona o principima lokalne samouprave Bosne i Hercegovine i amandmana na Ustav Bosne i Hercegovine
Izvjestilac: Vehid Šehić, predsjednik, Forum građana Tuzle

G-din Bešlić daje riječ g-dinu Šehiću.

G-din Šehić konstatuje da je vrijeme da se Zakon o principima lokalne samouprave donese i na državnom nivou. Smatra da je potrebno predložiti dva amandmana na Ustav BiH. Lokalna samouprava se ne spominje u Ustavu, a da je ta obaveza dana entitetima. Međutim, da bi se stvorila jednakopravnost svih građana ovaj Zakon mora biti na državnom nivou. Forum građana Tuzle je lobirao preko jednog poslanika i započeli parlamentarnu proceduru. Također je organizovano deset debata. Forum građana Tuzle se nada bližoj saradnji sa Savezom. Želja je da se pomogne građanima ali i institucijama vlasti.

G-din Bešlić konstatuje da Savez ne može odmah zauzeti stav. Potrebno je da se malo više prouči ovaj prijedlog te da se tada da komentar.

G-din Kurtović zahvaljuje g-dinu Šehiću i smatra da bi bilo dobro da se organizuju rasprave u jedinicama lokalne samouprave ali preko Saveza.

G-din Šehić naglašava da je bitno da dođe do harmonizacije svih jedinica lokalne samouprave.

G-din Emrić pita ispred koga je izrađen nacrt Zakona

G-din Šehić odgovara da je zahtjev predat ispred Foruma građana Tuzle.

G-din Bešlić predlaže da se svi dokumenti vezano za ovu inicijativu prosljede članovima Predsjedništva i da se stave na web stranicu a da će nakon razmatranja Savez zauzeti stav.

Prijedlog je jednoglasno usvojen.

d) održanom sastanku Savjetodavnog tima projekta «Kreiranje i uvođenje modela raspolaganja i vlasništva nad lokalnim resursima»

Izjavitelj: Edin Demirović, asistent za lokalnu samoupravu/administrativni asistent

G-din Demirović ukratko izvještava Predsjedništvo o održanom sastanku.

Informacija je jednoglasno usvojena.

10. Potpisivanje Memoranduma o saradnji sa UNDP-om

Izjavitelj: Šejla Hasić, viši saradnik za projekte – projekt menadžer

G-đica Hasić podsjeća Predsjedništvo da je na Devetoj sjednici Predsjedništva odlučeno da Stručna služba Saveza proslijedi svim članovima Predsjedništva nacrt Memoranduma o razumijevanju sa UNDPom za projekat MTS, te da se članovi izjasne i daju svoje komentare. Do datog roka dva člana Predsjedništva su se izjasnili po ovom pitanju.

G-din Bešlić predlaže da se na ovoj sjednici ne izjašnjava po ovom pitanju. Smatra da treba još razgovarati sa predstavnicima UNDPa i tek onda donijeti odluku.

G-din Kurtović smatra da bi potpisivanje Memoranduma za ovaj projekat bi bilo pozitivno za Savez i općine. Navodi pozitivne primjere saradnje sa UNDPom iz svoje općine.

Odlučeno je da se na ovoj sjednici ne donosi odluka o potpisivanju.

11. Predstavljanje aktivnosti GAP-a - Projekta upravne odgovornosti u narednom periodu

Izjavitelj: Denisa Sarajlić-Maglič, direktor političke komponente

Gđa Sarajlić-Maglič izvještava Predsjedništvo o potpisivanju Memoranduma o razumijevanju između GAPa i Saveza, te aktivnostima koji će dvije organizacije zajednički organizovati. Naglašava da je GAP pri izradi svoje aplikacije koristio ciljeve Saveza i programsku orijentaciju kako bi imali što bližu saradnju sa Savezom.

Gđa Travljanin zahvaljuje gđi Sarajlić-Maglič i cijelom timu GAPa na dosadašnjoj saradnji. Konstatuje da je GAP među prvim organizacijama prepoznao značaj Saveza.

G-din Omerović također pohvaljuje GAP projekat i smatra da Savez mora blisko raditi sa GAPom.

G-din Mustafić se pridružuje mišljenju predhodnih govornika i konstatuje da je GAP dosta učinio za jačanje lokalnih zajednica.

G-din Prka se nada da će se prepoznati važnost partnerstva između Saveza i GAPa.

G-din Bubalo smatra da sa GAP projektom treba raditi na implementaciji zakona.

Gđa Sarajlić-Maglič naglašava da su to samo neke od budućih zajedničkih aktivnosti.

Informacija je jednoglasno usvojena.

12. Pismo namjere – ponuda za partnersku saradnju sa Savezom općina i gradova FBiH

Izjavitelj: Slavica Drašković, direktor za razvoj programa, Trening i konsalting organizacija «IZBOR PLUS»

Gđa Drašković ukratko upoznaje prisutne o «IZBOR PLUS» organizaciji te njihovim ciljevima kao i dosadašnjim aktivnostima. Upoznaje prisutne o projektnoj ideji na temu educiranja projektnih timova u općinama, koju bi «IZBOR PLUS» želio raditi sa Savezom.

G-din Bešlić zahvaljuje gđi Drašković uz konstataciju da je siguran da svi načelnici smatraju da je potrebna edukacija timovima za pisanje projekata. Smatra da je potrebno da Predsjedništvo bliže razmotri inicijativu prije zauzimanja stava, te da je moguće da će tu odluku morati donijeti novi saziv Predsjedništva.

Prijedlog je jednoglasno usvojen.

13. Tekuća pitanja

G-din Šupljeglav izvještava Predsjedništvo o manjim zaprekama oko registrovanja Centra za edukaciju kadrova iz jedinica lokalne samourpave. U Statutu nije definisano na koji način se registruje ovakav Centar. Smatra da je lakši put ako se formira ustanova.

Jednoglasno je odlučeno da se za slijedeću sjednicu Predsjedništva pripremi nacrt Odluke.

Nakon konstatovanja da su sve tačke Dnevnog reda iscrpljene zaključuje Desetu sjednicu Predsjedništva Saveza općina i gradova Federacije Bosne i Hercegovine u 16:42 sati.

Predsjednik Predsjedništva
Ljubo Bešlić, s.r.

Zapisničar
Šejla Hasić, s.r.
